

## Gibasi sa Galatia 4:21-31.

### A Ang pakigsaad kang Adan ug kang Eva.

- ❖ Sa wala pa ang sala (Genesis 2), ang pakigsaad naglangkob porlomenos sa mga mosunod nga mga kabihayag alang sa tawhanong binuhat:
  - Pagbantay sa Igpapahulay (b. 3).
  - Pag-atiman sa kalalangan (b. 15).
  - Dili pagkaon sa gidiling bunga (b. 17).
- ❖ Klaro kaayo kini: Tuman ug ikaw mabuhi! Tinuod, si Adan ug Eva makatuman niana nga saad, sila mga hingpit nga binuhat.
- ❖ Tungod kay sila milapas, ang Dios nagpahamtang og usa ka bag-ong pakigsaad sa grasya basi diha sa saad sa usa ka Manluluwas (Genesis 3:15)

### B Ang pakigsaad kang Abraham.

- ❖ Buot sa Dios nga pasaligan si Abram nga siya makabaton og kaugalingong kaliwatan, nan Siya naghimog usa ka lig-on nga pakigsaad uban kaniya pinaagi sa paglakaw taliwala sa nabahin-bahing mga lawas sa mga mananap nga gipanghalad (Genesis 15:9-21).
- ❖ Pinaagi sa pagbuhat sa ingon, ang Dios nagpasalig sa Iyang pakigsaad uban sa Iyang kaugalingong kinabuhi. Sa kataposan Iyang gihatag ang Iyang kaugalingong kinabuhi didto sa Calbaryo aron sa pagtuman sa saad.

### C Si Sara ug Hagar.

- ❖ Ang unang kapakyasan ni Abram mao ang pagbiya sa yutang sinaad ug miadto sa Egipto. Pipila sa mga Egiptohanong ulipon nga gihatag ni Faraon ngadto kang Sara miuban sa panon ni Abram. Usa na kanila si Hagar.
- ❖ Si Sarai baog, busa human naghulat sulod sa napulo ka tuig, naghunahuna siya nga makabaton siya og anak pinaagi sa iyang ulipon ingon nga usa ka “haliling inahan” sa pagpahimugso sa iyang anak.
- ❖ Busa, si Ismael maoy resulta sa tawhanong paningkamot (“sumala sa unod”) samtang si Isaac maoy anak ni Sara ug ang resulta sa pagtoo (“pinaagig saad”, Galatia 4:23).

### D Hagar ug Sinai.

- ❖ Ang katawhan dili makatipig sa pakigsaad sa Sinai, tungod kay misulay sila sa pagtuman niini sa ilang kaugalingong pamaagi ug naghandos sa pagtoo ngadto sa ikaduhang posisyon (Hebrewohanon 4:2; Exodo 19:8).
- ❖ ***Sa susamang paagi nga si Abraham ug Sara misulay pagtabang sa Dios sa pagtuman sa Iyang mga saad, ang Israelitas nagliso sa pakigsaad sa grasya ngadto sa usa ka pakigsaad sa binuhatan. Si Hagar nagasimbolo sa Sinai diha niana diin ang mga tawhanong sulay-sulay sa kaluwasan pinaagig binuhatan.***

### E Ismael ug Isaac.

- ❖ Kaluwasan pinaagig binuhatan ug kaluwasan pinaagig pagtoo dili sa kabug-osan magkasinabut. Gikinahanglan nato nga “magtambog” sa usa niadtong duha ka pamaagi sa kaluwasan (Galatia 4:30).
- ❖ Giyagayagaan ni Ismael si Isaac aron sa pag-angkon sa iyang panolundon. Ang “mga anak sa unod” usab nagayagayaga sa mga “anak sa Espirito.”

“ug ang tanang mga nasud sa yuta mapanalanginan diha sa imong kaliwat.” (Genesis 26:4)

ABRAM

Si Hagar usa ka gasa gikan kang Faraon, usa ka ulipon. Si Sara mao ang pinakaslang asawa ni Abram.

HAGAR

SARA

Si Ismael bangis. Si Isaac makidaiton.

ISMAEL

ISAAC

Ang pipilang katawhan nagatutok sa Sinai ug nagasulay nga maluwas pinaagi sa ilang mga binuhatan. Kita nagatutok kang Cristo ug kita nangaluwas pinaagi sa pagtoo.

BUKID  
SA SINAI

ANG  
SAAD

Ang pipilang katawhan nagasalig unsay ilang maarangan ning kinabuhia. Kita nagasalig unsay gibuhat sa Dios alang kanato.

KALIBUTANONG  
JERUSALEM

BAG-ONG  
JERUSALEM

Ang pipilang katawhan mga ulipon sa ilang mga binuhatan. Kita mga gawasnon diha kang Jesu Cristo nga atong Manluluwas

MGA  
ULIPON

GAWASNON